



Særutskrift

Arkivsak-dok. 21/01326-1
Saksbehandlar Torill Einara Nerbøvik

Særutskrift - Lokal forskrift for nedgravne oljetankar

Saksgang	Møtedato	Saknr
1 Drift- og arealutvalet	24.11.2021	PS-8/21

Drift- og arealutvalet har behandlet saken i møte 24.11.2021 sak PS-8/21

Møtebehandling

Tilrådinga frå kommunedirektøren.

Votering

Tilrådinga frå kommunedirektøren vart samrøystes vedtatt.

Drift- og arealutvalets vedtak

Drift- og arealutvalet vedtek å legge lokal forskrift for nedgravne oljetankar ut til høyring.

Lokal forskrift om nedgravne oljetankar

Kommunedirektøren si tilråding:

Drift- og arealutvalet vedtek å legge lokal forskrift for nedgravne oljetankar ut til høyring.

Bakgrunn

Frå 01.01.2020 vart fyring med mineralolje for å varme opp bustadar og andre bygg forbode. Det ligg framleis mange av desse tankane att. Nedgravne oljetankar frå tidlegare oljefyring utgjer ei aukande kjelde til forureining av grunnen. Tankeigaren (eigar av einebustad, burettslag, næringsverksemd) har ansvar for forureining som måtte oppstå frå tanken og for kostnadane ved å rydde opp. Dette følger av forureiningslova § 7. Nedgravne tankar som ikkje er i bruk, skal som hovudregel fjernast. Fjerning eller avviking av oljetank er meldepliktig til kommunen.

Miljødirektoratet oppmodar alle kommunar som i dag ikkje har fastsett forureiningsforskrifta kap.1 som ei lokal forskrift, om å vedta ei slik forskrift så snart som mogleg. Dette vil gi føreseielege krav for tankeigarar og lette kommunen si sakshandsaming. Aukra kommune har ikkje ei lokal forskrift for nedgravne oljetankar.

Forureiningsforskrifta kapittel 1, *Tiltak for å motvirke fare for forureining frå nedgravne oljetankar*, er ei frivillig forskrift for kommunen og trer berre i kraft dersom kommunestyret fastset ei lokal forskrift, jamfør § 1-2. Kommunestyret avgjer verkeområdet for forskrifta. Dette inkluderer kva storleik på nedgravne oljetankar forskrifta skal omfatte og kva for områder i kommunen forskrifta skal gjelde for. Kommunestyret kan òg fastsette at det ikkje er lov å ha nedgravne oljetankar i enkelte områder i kommunen (jamfør § 1-12). Kommunen kan ikkje vedta andre bestemmingar om oljetankar i den lokale forskrifta enn det som §§ 1-2 og 1-12 forureiningsforskrifta kapittel 1 alt opnar for i dag.

Vurdering

Nedgravne tankar som skal fjernast, må tømmast, reingjerast og gravast opp – uavhengig av kor stor tanken er. Har ein ein oljetank som ligg under ein terrasse, platting eller liknande, og det vil bli svært vanskeleg å få tanken opp – eller uforholdsmessig dyrt – kan ein søke kommunen om å sleppe og fjerne den.

Kommunen kan imidlertid ikkje nytte seg av heimlane i Forureiningsforskrifta kapittel 1 utan lokal forskrift.

Med heimel i Forureiningslova kan kommunen mellom anna føre tilsyn og krevje opplysningar om tankar. Kommunen kan òg pålegge tankeigarar ulike tiltak som til dømes å gjere undersøkingar eller gjennomføre ein tilstandskontroll av tankane, eller å fjerne eller fylle att tankar som ikkje lengre er i bruk. Kommunen kan likevel *ikkje* handsame søknadar om, og gje løyve til, å reingjere og fylle att tankar framfor å grave dei opp utan å ha fastsett lokal forskrift etter forureiningsforskrifta kapittel 1. Dette mellom anna fordi kommunen ikkje er delegert myndigheit til å gje løyve etter forureiningslova § 11 etter Rundskriv T-5/98.

Lokal forskrift om nedgravne oljetankar gjeld for heile Aukra kommune, og for alle nedgravne oljetankar, uavhengig av storleik. Forskrifta set kvalifikasjonskrav til firma eller personar som skal utføre testing, kontroll, tømming og sanering av oljetankar, og kva dokumentasjon kommunen krev ved innmelding om fjerna oljetank. Forskrifta seier også at kommunen kan gi godkjenning til unntak om fjerning etter vurdering av søknad.

Administrative konsekvensar

Auka merksemd på området, og formalisering av mynde, kan auke mengd av søknadar til handsaming på området.

Folkehelsekonsekvensar

Fjerning av nedgravne oljetankar vil minske faren for forureining av grunnen og betre miljøtilhøva.

Økonomiske konsekvensar

Gerd Nerbø
Teknisk sjef

Geir Janos Göncz
Kommunalsjef plan og utvikling

Gerd Marit Langøy
Kommunedirektør

Særutskrift**Vedlegg**

Forureiningsforskrifta kapittel 1
Forslag til Forskrift om nedgravne oljetankar

RETT UTSKRIFT
DATO 25.november.2021